



საჯარო სამართლის იურიდიული პირი
ილიას სახელმწიფო უნივერსიტეტი



ბრძანება

ქ. თბილისი

N 996-03

26/07/2024

ილიას სახელმწიფო უნივერსიტეტში 2024-2025 სასწავლო წლის შემოდგომის სემესტრისათვის მობილობის წესით ჩარიცხვის მსურველ პირთათვის განაცხადის შემოტანის ვადებისა და პირობების განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის მეექვსე პუნქტის, საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანებით დამტკიცებული „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის“ მე-6¹ მუხლის და მე-7 მუხლის მე-4 და მე-5 პუნქტების, უნივერსიტეტის აკადემიური საბჭოს 2015 წლის 16 ივნისის N7 სხდომაზე დამტკიცებული ილიას სახელმწიფო უნივერსიტეტში სტუდენტის/პროფესორის სტუდენტის სტატუსის მარეგულირებელი წესის მეოთხე მუხლის, სსიპ განათლების მართვის საინფორმაციო სისტემის უფროსის 2024 წლის 18 ივნისის N1.1/73 ბრძანების საფუძველზე, სამართლის სკოლის დეკანის 2024 წლის 25 ივლისის N13142-35 სამსახურებრივი ბარათის, მეცნიერებათა და ხელოვნების ფაკულტეტის დეკანის მოვალაობის შემსრულებლის 2024 წლის 25 ივლისის N13228-35 სამსახურებრივი ბარათის, ბიზნესის, ტექნოლოგიისა და განათლების ფაკულტეტის დეკანის 2024 წლის 25 ივლისის N13144-35 სამსახურებრივი ბარათის, საბუნებისმეტყველო მეცნიერებებისა და მედიცინის ფაკულტეტის დეკანის 2024 წლის 24 ივლისის N13060-35 სამსახურებრივი ბარათის, ხარისხის უზრუნველყოფის სამსახურის უფროსის 2024 წლის 23 ივლისის N13027 სამსახურებრივი ბარათის გათვალისწინებით

ვბრძანებ

1. სტუდენტების რეგისტრაციის ვადად, რომლებმაც მოიპოვეს მობილობის წესით ილიას სახელმწიფო უნივერსიტეტში ჩარიცხვის უფლება 2024-2025 სასწავლო წლის შემოდგომის სემესტრისათვის, განისაზღვროს 2024 წლის 12, 13 და 16 სექტემბერი 10:00 საათიდან 18:00 საათამდე, შემდეგ მისამართებზე:

ა) მეცნიერებათა და ხელოვნების ფაკულტეტი - ილია ჭავჭავაძის გამზ. N32, A კორპუსი, ოთახი A303;

ბ) საბუნებისმეტყველო მეცნიერებებისა და მედიცინის ფაკულტეტი - გიორგი წერეთლის გასასვლელი 3, S კორპუსი, ოთახი S103

გ) სამართლის სკოლა - ილია ჭავჭავაძის გამზ. N32, A კორპუსი, ოთახი A407;

დ) ბიზნესის, ტექნოლოგიისა და განათლების ფაკულტეტი - ქ. ჩოლოყაშვილის გამზ. 3/5, E კორპუსი, ოთახი E207.

2. რეგისტრაციისთვის სტუდენტებმა განცხადებით უნდა მიმართონ უნივერსიტეტის რექტორს, განცხადებაში მითითებული უნდა იყოს იმ ფაკულტეტის/სკოლის დასახელება, რომელზეც სტუდენტმა მოიპოვა მობილობის წესით ჩარიცხვის უფლება და იმ პროგრამის სახელწოდება/მიმართულება (ასეთის არსებობის შემთხვევაში), რომელზეც სურს ჩარიცხვა. განცხადებას თან უნდა ახლდეს შემდეგი დოკუმენტები:

ა) ამონაწერი უმაღლეს საგანმანათლებლო დაწესებულებაში ჩარიცხვის ბრძანებიდან;

ბ) სტუდენტის სასწავლო ბარათი (ნიშნების ფურცელი) (განმეორებითი მობილობის შემთხვევაში - ყველა იმ უმაღლესი საგანმანათლებლო დაწესებულებიდან, რომელშიც სტუდენტს უსწავლია);

გ) ცნობა გაცემული შესაბამისი უმაღლესი საგანმანათლებლო დაწესებულებიდან 2024 წლის 19 აგვისტოს შემდეგ (სტუდენტის სტატუსის, სასწავლო პროგრამის დასახელების, და მის მიმართ გამოცემული სამართლებრივი აქტების მითითებით);

დ) სტუდენტის მიმართ გამოცემული ყველა სამართლებრივი აქტი/ამონაწერი დამოწმებული უნივერსიტეტის ბეჭდით (განმეორებითი მობილობის შემთხვევაში - ყველა იმ უმაღლესი საგანმანათლებლო დაწესებულებიდან, რომელშიც სტუდენტს უსწავლია);

ე) სამხედრო აღრიცხვაზე ყოფნის დამადასტურებელი დოკუმენტი (მხოლოდ საქართველოს მოქალაქე ვაჟებისთვის);

ვ) პირადობის დამადასტურებელი დოკუმენტის ასლი (ორივე გვერდი). უცხო ქვეყნის მოქალაქის შემთხვევაში - პასპორტის (ან პირადობის მოწმობის) სანოტარო წესით დამოწმებული თარგმანი;

ზ) სრული ზოგადი განათლების დამადასტურებელი დოკუმენტის ნოტარიულად დამოწმებული ასლი. უცხოეთში მიღებული სრული ზოგადი განათლების შემთხვევაში - განათლების ხარისხის განვითარების ეროვნული ცენტრის მიერ გაცემული აღიარების დოკუმენტი;

თ) ფოტოსურათი ზომით 3X4 და ელ. ვერსია ელექტრონულ მატარებელზე;

ი) სოციალურად დაუცველის სტატუსის შემთხვევაში ცნობა გაცემული შესაბამისი ორგანოდან.

3. უმაღლესი საგანმანათლებლო დაწესებულების მიერ გაცემული დოკუმენტები დამოწმებული უნდა იყოს შესაბამისი ბეჭდით;

4. ხელშეკრულების გაფორმების მიზნით, პირი, რომელიც მოიპოვებს მობილობის უფლებას, უნდა გამოცხადდეს უნივერსიტეტში ფაკულტეტის/სკოლის მიერ დადგენილ ვადასა და აუდიტორიაში.

5. იმ შემთხვევაში, თუ საბუთების წარმოადგენისა და ხელშეკრულების გაფორმების მიზნით უნივერსიტეტში გამოცხადდება მინდობილი პირი, მან თან უნდა იქონიოს სანოტარო წესით დამოწმებული მინდობილობა და პირადობის დამადასტურებელი დოკუმენტი.

6. მეცნიერებათა და ხელოვნების ფაკულტეტის პროგრამებზე „მუსიკა (ძირითადი და დამატებითი სპეციალობა)“; „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება – მხატვრული კერამიკა საჯარო სივრცეებისთვის (ძირითადი და დამატებითი სპეციალობა)“ გადასვლის მსურველმა პირებმა, სტუდენტთა ელექტრონულ პორტალზე რეგისტრაციის ვადის დასრულებამდე, უნდა გაიაროს ილიას სახელმწიფო უნივერსიტეტის მიერ ორგანიზებული შემოქმედებითი კონკურსი.

7. დაევალოს მეცნიერებათა და ხელოვნების ფაკულტეტის დეკანს, 2024 წლის 30 ივლისის ჩათვლით გამოსცეს ბრძანება მე-6 პუნქტით განსაზღვრული შიდასაუნივერსიტეტო შემოქმედებითი კონკურსის პირობებისა და ვადების თაობაზე;

8. საბუნებისმეტყველო მეცნიერებებისა და მედიცინის ფაკულტეტის პროგრამებზე მობილობის წესით ჩარიცხვის მსურველი პირი უნდა აკმაყოფილებდეს შემდეგ პირობებს:

ა) 2020-2021 სასწავლო წლამდე ჩარიცხულ მობილობის მსურველ პირს ერთიან ეროვნულ გამოცდებში მეოთხე გამოცდად ჩაბარებული ჰქონდეს ერთ-ერთი საგანი: მათემატიკა, გეოგრაფია, ფიზიკა, ქიმია ან ბიოლოგია, ხოლო 2020-2021 სასწავლო წელს და შემდგომ ჩარიცხულ მობილობის მსურველს პირს - საქართველოს განათლებისა და მეცნიერების მინისტრის 2011 წლის 18 თებერვლის N19/ნ ბრძანებით დამტკიცებული "ერთიანი ეროვნული გამოცდების ჩატარების დებულების" მე-6 მუხლის მე-2 პუნქტით დადგენილი გამოცდები.

ბ) იმ პირებმა, რომლებიც ჩარიცხული არიან საბაკალავრო საფეხურზე 2020-2021 სასწავლო წლამდე, უნდა წარმოადგინონ ცნობა ერთიან ეროვნულ გამოცდებზე წარმატებით ჩაბარებული მეოთხე გამოცდის თაობაზე შემდეგ საგნებიდან ერთ-ერთში: ბიოლოგია, ფიზიკა, მათემატიკა, გეოგრაფია, ქიმია.

9. ბიზნესის, ტექნოლოგიისა და განათლების ფაკულტეტის შემდეგ საბაკალავრო პროგრამებზე გარე მობილობის წესით ჩარიცხვის მსურველი პირები უნდა აკმაყოფილებდნენ ქვემოთ მითითებულ პროგრამის წინაპირობებს და სავალდებულოა სხვა დოკუმენტებთან ერთად წარმოადგინოს ცნობა გამოცდების ეროვნული ცენტრიდან ქვემოთ მითითებული გამოცდის/გამოცდების წარმატებით ჩაბარების შესახებ;

ა) მათემატიკა (ძირითადი და დამატებითი სპეციალობა) – 2020-2021 სასწავლო წლამდე ჩარიცხულ მობილობის მსურველს ერთიან ეროვნულ გამოცდებში მეოთხე გამოცდად ჩაბარებული უნდა ჰქონდეს ერთ-ერთი საგანი: მათემატიკა, გეოგრაფია, ფიზიკა, ქიმია ან ბიოლოგია. 2020-2021 სასწავლო წელს და შემდგომში ჩარიცხულ მობილობის მსურველს კი - საქართველოს განათლებისა და მეცნიერების მინისტრის 2011 წლის 18 თებერვლის N19/ნ ბრძანებით დამტკიცებული "ერთიანი ეროვნული გამოცდების ჩატარების დებულების მე-6 მუხლის მე-2 პუნქტით დადგენილი გამოცდები.

ბ) სამოქალაქო ინჟინერია (ძირითადი სპეციალობა) (ინგლისურენოვანი) - პროგრამაზე მობილობის მსურველს გადალახული უნდა ჰქონდეს კომპეტენციის მითითებული ზღვრები შემდეგ საგნებში: ინგლისური ენა - 70%, მათემატიკა ან ფიზიკა - 40%; უნდა ჩააბაროს შიდა საუნივერსიტეტო გამოცდა.

გ) სამოქალაქო ინჟინერია (ძირითადი სპეციალობა) - პროგრამაზე მობილობის მსურველს გადალახული უნდა ჰქონდეს მინიმალური კომპეტენციის შემდეგი ზღვრები: ინგლისური ენა - 40%; ქართული ენა - შეფასებისა და გამოცდების ეროვნული ცენტრის მიერ დადგენილი მინიმალური ზღვარი; მათემატიკა ან ფიზიკა 40%.

დ) კომპიუტერული მეცნიერება (ძირითადი სპეციალობა) (ინგლისურენოვანი) - პროგრამაზე მობილობის მსურველს გადალახული უნდა ჰქონდეს კომპეტენციის მითითებული ზღვრები შემდეგ საგნებში: ინგლისური ენა - 70%, მათემატიკა ან ფიზიკა - 40%; უნდა ჩააბაროს შიდა საუნივერსიტეტო გამოცდა.

ე) თანამედროვე მათემატიკის ძირითადი პარადიგმები და გამოყენებები (სამაგისტრო პროგრამა) -პროგრამაზე მობილობის მსურველმა უნდა ჩააბაროს შიდასაუნივერსიტეტო გამოცდა.

ვ) პროგრამული ინჟინერია - პროგრამაზე ჩარიცხვისთვის აუცილებელია შიდასაუნივერსიტეტო გამოცდის ჩაბარება და ინგლისური ენის ცოდნის დადასტურება (მინიმუმ B2 დონე). ენის ფლობა შეიძლება დადასტურდეს სერტიფიკატით ან შემოწმდეს უნივერსიტეტის ენების ცენტრის მიერ.

10. დაევალოს ბიზნესის, ტექნოლოგიისა და განათლების ფაკულტეტის დეკანს, 2024 წლის 30 ივლისის ჩათვლით გამოსცეს ბრძანება მე-9 პუნქტით განსაზღვრული შიდასაუნივერსიტეტო გამოცდების პირობებისა და ვადების თაობაზე;

11. დაევალოთ ფაკულტეტებს/სკოლას, უზრუნველყონ 2024-2025 სასწავლო წლის შემოდგომის სემესტრისათვის მობილობის წესით ჩარიცხვის მსურველ პირთათვის კრედიტების აღიარების დოკუმენტების მომზადება მათ მიერ გავლილი სასწავლო კურსებისა და სასურველი პროგრამის მოთხოვნების გათვალისწინებით.

12. დაევალოთ ფაკულტეტებს/სკოლას, უზრუნველყონ კრედიტების აღიარების დოკუმენტების გაცნობა მობილობის წესით ჩარიცხვის მსურველი სტუდენტებისათვის და აღნიშნული სტუდენტების მიერ ამ დოკუმენტების ხელმოწერით დადასტურება.

13. საჭიროების შემთხვევაში, მეცნიერებათა და ხელოვნების ფაკულტეტს ეთხოვოს ინგლისური ენის დონის დასადგენად ტესტის ჩატარების უზრუნველყოფა;

14. დაევალოთ ფაკულტეტებს/სკოლას, არაუგვიანეს 2024 წლის 20 სექტემბრის ჩათვლით გააფორმონ ხელშეკრულებები 2024-2025 სასწავლო წლის შემოდგომის სემესტრისათვის მობილობის წესით ჩარიცხვის მსურველ პირებთან, რომლებიც მოიპოვებენ ილიას სახელმწიფო უნივერსიტეტში მობილობის წესით ჩარიცხვის უფლებას და თანხმობას განაცხადებენ კრედიტების აღიარების დოკუმენტებში მითითებულ პირობებზე;

15. დაევალოთ ამ ბრძანების პირველი პუნქტით განსაზღვრულ ფაკულტეტებს/სკოლას, 2024 წლის 20 სექტემბერს მიაწოდონ უნივერსიტეტის რექტორს 2024-2025 სასწავლო წლის შემოდგომის სემესტრისათვის მობილობის წესით ჩარიცხვის მსურველ პირთა სია, რომლებმაც გააფორმეს ხელშეკრულებები ილიას სახელმწიფო უნივერსიტეტში სწავლის გაგრძელების მიზნით;

16. დაევალოს უნივერსიტეტის იურიდიულ სამსახურს ილიას სახელმწიფო უნივერსიტეტის მიერ მობილობის წესით ჩასარიცხ პირთა შესახებ სამართლებრივი აქტის პროექტის მომზადება განათლების მართვის საინფორმაციო სისტემისთვის და საგანმანათლებლო დაწესებულებების რეესტრში პროექტის

ელექტრონულად ასახვის მიზნით ილიას სახელმწიფო უნივერსიტეტის ხარისხის უზრუნველყოფის სამსახურისთვის მიწოდება არაუგვიანეს 2024 წლის 23 სექტემბრისა;

17. ბრძანების პროექტზე განათლების მართვის საინფორმაციო სისტემის დადებითი დასკვნის მიღების შემდეგ დაევალოს უნივერსიტეტის იურიდიულ სამსახურს ილიას სახელმწიფო უნივერსიტეტის მიერ მობილობის წესით ჩასარიცხ პირთა შესახებ სამართლებრივი აქტის პროექტის მომზადება - 2024 წლის 1 ოქტომბრამდე.

18. დაევალოს ფაკულტეტებს/სკოლას მობილობის წესით ჩარიცხულ პირთა შესახებ სამართლებრივი აქტის რეესტრის მონაცემთა ბაზაში ასახვა ამ აქტის გამოცემიდან ორი სამუშაო დღის ვადაში.

19. დაევალოს ფაკულტეტებს/სკოლას უზრუნველყონ მობილობის წესით ჩარიცხულ პირთა კრედიტების აღიარების დოკუმენტების მიწოდება საინფორმაციო ტექნოლოგიების სამსახურისთვის 2024 წლის 1 ოქტომბრამდე;

20. დაევალოს საინფორმაციო ტექნოლოგიების სამსახურს უზრუნველყოს მობილობის წესით ჩარიცხულ პირთა კრედიტების აღიარების დოკუმენტების ასახვა სასწავლო პროცესის მართვის ელექტრონულ სისტემა „არგუსში“;

21. ამ ბრძანების შესრულებაზე ფაკულტეტების/სკოლების ნაწილში პასუხისმგებელ პირებად განისაზღვრონ შესაბამისი ფაკულტეტების/სკოლების დეკანები;

22. უნივერსიტეტის კანცელარიას დაევალოს ამ ბრძანების საჯაროდ გამოქვეყნება;

23. უნივერსიტეტის საზოგადოებასთან ურთიერთობის სამსახურს დაევალოს ამ ბრძანების უნივერსიტეტის ვებგვერდზე განთავსება;

24. უნივერსიტეტის კანცელარიას დაევალოს, მიაწოდოს ამ ბრძანების ასლები ფაკულტეტებს/სკოლას, რექტორის აპარატს, ადმინისტრაციის ხელმძღვანელის აპარატს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, უნივერსიტეტის კანცელარიას, ადმინისტრაციის ხელმძღვანელს, რექტორისა და ადმინისტრაციის ხელმძღვანელის მოადგილეებს, საერთაშორისო ურთიერთობების სამსახურს, განვითარების სამსახურს, დაცვისა და უსაფრთხოების სამსახურს, ბიბლიოთეკას, შემოსავლების აღრიცხვისა და ანალიზის დეპარტამენტს, მატერიალური რესურსების სამსახურს და ყველა დამხმარე ადმინისტრაციულ სტრუქტურულ ერთეულს.

ნინო დობორჯგინიძე

რექტორი

